



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

VIII. De Voto Magistrorum Congregationis S. Bernardi Castellæ in
Academiis Salmanticens. & Compluten.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

1701.
Preces Ma-
gistrum Gen-
Prædicato-
rum.

Apostolicas prohibetur. Et propterea dictus Antoninus Magister Generalis opportune in præmissis a Nobis provideri, & ut infra indulgeri plurimum desideret. Nos ipsum Antoninum Magistrum Generalem specialibus favoribus, & gratis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a jure vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinati, de Venerabilium Fratrum nostrorum S. R. Ecclesie Cardinalium in tota Republica Christiana adversus hæreticam pravitatem prædictam generalium Inquisitorum a Sancta Sede Apostolica specialiter deputatorum consilio, eidem Antonino generali, aliisque pro tempore existentibus dicti Ordinis Magistris Generalibus, ut ipsi in Bibliotheca prædicta quorumvis hæreticorum, & hæresiarcharum, aliorumque reprobatorum Authorum, cuiuscumque Sectæ, & Classis, etiam primæ, & ex quacumque causa, etiam ob falsi dogmatis suspicionem a Prædecessoribus nostris Romanis Pontificibus, seu in quibusvis Conciliis generalibus, ac etiam a Nobis, & Sede prædicta quomodolibet prohibitis, & damnatis, & a Nobis, Successoribusque nostris Romanis Pontificibus, & dicta Sede forsan prohibendos, & damnandos libros manuscripta, & opera, tam hæcenus in lucem edita, quam in posterum edenda, seu scribenda quæcumque, etiam si ex professo, & in capite de religione, & fide Catholica, seu contra Religionem, & fidem eisdem tradent, in ipsa Bibliotheca collocatos, & collocata, ac in futurum quæcumque collocandos, & collocanda retinere, habere, & asservere tantum libere, licite, & impune, ac absque ullo conscientie scrupulo, & quorumcumque Ecclesiasticarum sententiarum, & censurarum, vel aliarum poenarum etiam irregularitatis, infamie, aut inhabilitatis incurfu possint, & valeant, ita tamen, ut illis, & illa ab aliis separatos, & separata, & sub clave, ne ad aliorum manus deveniant, retineant, & non nisi ab iis qui opportunam super eorum lectione licentiam sibi canonicè concessam esse ostenderit, legi permittant, auctoritate Apostolica tenore præsentium concedimus, & indulgemus; Salva tamen semper in præmissis auctoritate Congregationis eorumdem Cardinalium.

Concessio
præd.

Sed præd. libri claudi debeant, & non nisi facultate donatis concedi.

Clausula.

§. 1. Non obstantibus præmissis, ac quibusvis Apostolicis, & in Universalibus, Provincialibusque Conciliis editis, & edendis specialibus, vel generalibus Constitutionibus, & Ordinationibus, necnon prohibitionibus desuper factis, & in posterum quomodolibet faciendis. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, illorum omnium, & singulorum tenores præsentibus pro plene, & sufficienter expressis, & insertis habentes, illis alias in suo robore permanentibus, ad præmissorum effectum hac vice dumtaxat specialiter, & expresse ac latissime derogamus, cæterisque contrariis quibuscumque.

Datum Romæ apud S. Petrum sub Anno Piscatoris die XII. Februarii MDCCL. Pontificat. nostri anno Primo.

Declaratur Constitutio Inn. XI. de Voto Capitulari Monachorum Congr. S. Bernardi Castellæ Ord. Cisterciën. in Academiis Salmanticen., & Compluten. Magistrorum.

Laudata Const. ed. fuit 1678. Jun. 21.

C L E M E N S P A P A X I .

Ad futuram rei memoriam.

Alias fel. rec. Innocentius Papa XI. Prædecessor noster ad supplicationem tunc existentis Procuratoris Generalis Congregationis Sancti Bernardi Castellæ Monachorum Ordinis Cisterciën. inter alia concessit, & indulgit, ut Magistri dictæ Congregationis in Universitatibus Studiorum generalium Salmanticen., & Compluten. per publicam approbationem omnium Sæcularium, & Regularium Cathedram actu occupantes, & ad Magistrum gradum in ipsis Universitatibus promoti, votum haberent Capitulare ultra alios duodecim Magistros ejusmodi Voti prærogativa gaudentes, & alias prout in ipsius Innocentii Prædecessoris literis desuper in simili forma Brevis die 21. Junii 1678. expeditis, quarum tenorem præsentibus pro plene, & sufficienter expresso, & inserto haberi volumus, uberius continetur.

§. 1. Cum autem sicut dilecti filii Prudentius de Resa Abbas Generalis, & Monachi d. Congregationis Nobis nuper exponi fecerunt, dictæ Innocentii Prædecessoris literæ perperam intellectæ, & observatæ fuerint, nempe non solum ii Magistri, qui in dictarum Universitatum Cathedris actuales Lectores erant, sed etiam omnes illi, qui antea per aliquod temporis spatium in eis legerant, ad dictum Votum contra claram, & expressam earundem Innocentii Prædecessoris literarum actuale lecturæ exercitium, & Magistrum gradum in Universitatibus prædictis susceptum insimul requirentium dispositionem admitti fuerint, ac proinde ipsi exponentes exacte in futurum, & inviolabiliter illarum observationi per opportunam desuper declarationem a Nobis consuli, & provideri plurimum desiderent: Nos eorumdem Exponentium votis hac in re quantum cum Domino possumus, favorabiliter annuere volentes, & eorum singulares personas a quibusvis excommunicationis, suspensionis, & Interdicti, aliisque Ecclesiasticis sententiis, censuris, & penis a Jure, vel ab homine quavis occasione, vel causa latis, si quibus quomodolibet innodata existunt, ad effectum præsentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati, de Venerabilium Fratrum Nostrorum S. R. E. Cardinalium negotiis, & consultationibus Episcoporum, & Regularium præpositorum consilio, dictas Innocentii Prædecessoris literas de admissione ad suffragia dumtaxat eorum, qui sunt Magistri, & tunc actu Cathedram occupant, intelligendas esse auctoritate Apostolica tenore præsentium decernimus, & declaramus; Salva tamen semper in præmissis auctoritate Congregationis eorumdem Cardinalium.

§. 2. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quæcumque spectabit, in omnibus & per omnia plenissime suffragari, & ab eis respective inviolabiliter observari: Sicque in præmissis per quoscumque Judices Ordinarios, & Delegatos, etiam Casuarum Palatii Apostolici Auditores judicari, & definiri debere; ac irri-

VIII.

Dat. 19 Febr.
1701. An. 1.

Ab Inn. XI. concessum fuit votum actu Cathedram occupantis, & Magistrum gradu donatis in dd. Academiis.

Preces Congregationis pro declaratione d. Constitutionis a nonnullis male intellectæ.

Declaratio pro illis tantum magistris qui tunc actu Cathedram occupant.

Clausula.

tum,

tum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus præmissis, ac Constitutionibus, & Ordinationibus Apostolicis, nec non omnibus, & singulis illis, quæ dictus Innocentius prædecessor in suis literis voluit non obstat, cæterisque contrariis quibuscumque.

Datum Romæ apud S. Petrum sub Annulo Piscatoris die XIX. Februarii MDCCI. Pontif. nostri anno Primo.

IX.

Confirmantur Decreta Capitulum Generalium Congreg. S. Bernardi Castellæ Ord. Cistercien. de suffragio Lectorum, & Prædicatorum.

Ab Urb. VIII. Const. ed. 1628. Apr. 4. donati fuerunt suffragio nonnulli Prædicatores. Et ejus Pontificis Const. præced. concessum fuit suffragium quibusdam Magistris. Const. vero ed. 1704. Feb. 20. P. 4. extat restitutio numeri vocalium pro Congreg. Hispaniarum. Et Const. sequenti agitur de suffragio quorundam Lectorum, & Prædicatorum.

CLEMENS PAPA XI.

Ad perpetuam rei memoriam.

EXponi Nobis nuper fecerunt dilecti filii Prudentius de Resa Abbas Generalis, & Monachi Congregationis Sancti Bernardi Castellæ Ordinis Cistercien., quod cum juxta quasdam fel. rec. Urbani PP. VIII. Prædecessoris nostri literas die 4. Aprilis 1628. seu alio veriori tempore expeditas, omnes dictæ Congregationis Monachi, qui Verbum Dei in Civitatibus Tolosana, Salmantic. ac Oppidis Madriti, & Compluti, per duodecim annorum spatium prædicavissent, ad vocem activam, & passivam admitterentur, vocalium vero hujusmodi numerus supra modum excrevisset, & inde multa inconvenientia oriri compertum esset, ut dictis inconvenientibus remedium adhiberetur in quinque Capitulis Generalibus Congregationis prædictæ ab Anno 1676. usque ad Annum 1698. celebratis pro bono ipsius Congregationis regimine decretum fuit, ut deinceps ex dictis Monachis, qui ut præfertur prædicaverint, sex dumtaxat ad dictam vocem activam, & passivam recipiantur, ac aliquo, seu aliquibus eorum deficientibus alii, qui similiter prædicaverint, & a Capitulo approbari, ac cæteris, tempore a die suscepti habitus Regularis computato, antiquiores sint, in eorum locum subrogentur. Porro in uno ex prædictis, seu alio Capitulo generali ejusdem Congregationis decretum pariter, & stabilitum fuit, ut in futurum ex Lectoribus, & Verbi Dei Prædicatoribus Jubilatis, illi dumtaxat, qui per integrum tempus a Constitutionibus dictæ Congregationis præfixum legerint, & prædicaverint, ad eandem vocem activam, & passivam admittantur, nec ipsis simplex expeditio Patentium literarum eorum deputationis in Lectores, & Prædicatores Jubilatos hujusmodi ad hoc suffragetur.

Decretis Capitularibus redactus fuit eorum numerus ad senarium.

Item immixtus Lectorum, & Prædicatorum Jubilatorum numerus pro eodem suffragio.

Preces Congregationis.

§. 1. Cum autem, sicut eadem expositio subjungebat, ipsi Exponentes ea, quæ in memoratis Capitulis Generalibus, sicut præmittitur, decreta fuerunt, quo firmiter subsistant, & serventur exactius, Apostolicæ Confirmationis nostræ patrocinio communiri, & quia nonnulli, qui tempus Lecturæ, & prædicationis a Constitutionibus, ut præfertur, præfixum, non expleverant, sed solum per patentes literas in Lectores, & Prædicatores Jubilatos deputati fuerant ad dictam vocem contra Urbani Prædecessoris literarum, & Constitutionum prædictarum dispositionem admissi fuerunt, omnes, & quos-

cumque defectus ex illorum admissione hujusmodi secutos, auctoritate nostra sanari plurimum desideret: Nos eorundem Exponentium votis hac in re quantum cum Domino possumus, favorabiliter annuere volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a Jure, vel ab homine quavis occasione, vel causa latis, si quibus quomodolibet innodatæ existunt, ad effectum præsentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati, de Venerabilium Fratrum nostrorum S. R. E. Cardinalium negotiis, & Consultationibus Episcoporum, & Regularium præpositorum consilio, prænaratum Decretum de reductione Prædicatorum in futurum, auctoritate Apostolica, tenore præsentium confirmamus, & approbamus; illique inviolabilis Apostolicæ firmitatis robur adjicimus, ac omnes, & singulos Juris, & facti defectus, si qui desuper quomodolibet interverint, supplemus. Quo ad graduationem vero Lectorum, & Prædicatorum Jubilatorum non nisi illos, qui ad formam Constitutionum actu legerint, & prædicaverint ad suffragandum admitte-ndos esse, eadem auctoritate, harum serie decernimus, & declaramus, ac omnes quorumcumque actuum cæteroque legitime factorum, & gestorum defectus ex memorata similibus Lectorum, & Prædicatorum, qui actu non legerant, aut prædicaverant ad suffragium admissione secutos, auctoritate & tenore prædictis sanamus, salva tamen semper in præmissis auctoritate Congregationis eorundem Cardinalium.

§. 2. Decernentes pariter easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quodcumque spectabit, in omnibus & per omnia, plenissime suffragari, & ab eis respective inviolabiliter observari: sicque in præmissis per quoscumque Judices Ordinarios, & Delegates, etiam Caesarum Palatii Apostolici Auditores judicari, & definiti debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus prædictis Urbani Prædecessoris literis, aliisque Constitutionibus, & Ordinationibus Apostolicis, nec non Congregationis S. Bernardi, & ordinis hujusmodi, etiam Juramento, Confirmatione Apostolica, vel quavis firmitate alia roboratis, Statutis, & Consuetudinibus; privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores, præsentibus, pro plene, & sufficienter expressis, ac ad verbum insertis habentes, illis alias in suo robore permanentibus, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Petrum sub Annulo Piscatoris die XIX. Februarii MDCCI. Pontificatus nostri anno Primo.

Confirmatur Decretum Congreg. Epif., & Reg. de Abbatibus Congreg. Sancti Bernardi Italiæ Ord. Cistercien. non confirmandis in eodem Monasterio, vel officio post quinquennium.

Id institutum fuit ab Alex. VIII. Const. ed. 1656. Maii 8. De non eligendis in Abbate extat Alex. VIII. Const. ed. 1689., Dec. 23. P. 1. Hujus vero Pontif. Const. ed. 1710. Oct. 3. P. 10.

Confirmatio prædictorum Decretorum.

Clausula.

X.

agitur